

Mancuengh Cingsih:

Fan Man Yap Rongh Lwenqda

靖西壮锦 锦上添花

□Cau Ginhvuj ingj/sij Sinhyungz hoiz



▲ Mancuengh daemj ndaej baenz, caengz daeb caengz ronghlwenq.



▲ Daemj baenz fan Mancuengh, cejnuengx sim angqyangz.



▲ Mancuengh longz gwnz ndang, vi dangq goeng vuengzdaeq.



▲ Geu mae leix ndaej swnh, daemjrok fwngz cij riengj.



▲ Man daemj baenz mbouj heih, cingleix aeu saeqsim.



▲ Rag mae fwngz aeu giuj, gaej yawjsiuj lauq gvaq.

Mancuengh dwg gaiqbauj vwnzva Bouxcuengh, ndaej haenh dwg guek raeuz seiq cungj man ceiq mizmingz ndawde cungj ndeu, cungj gunghyibinj gyaundeide aeu maefaiq roxnaeuz maesei daemj baenz neix, fap daemj sengdoengh, gezgou yiemzgaenj, lai saek lai yiengh, daiq miz cungj gwzdiu minzczu angqyangz, sangswt ndeu, yienh'ok beixnuengx Bouxcuengh raeuz haenqrengz bae cimhra caeuq maqmuengh saedceij gyaundeide.

Mancuengh dangguh cungj baengzdaemj meijsuz gunghyi ndeu, dwg cungj cauxguh vwnzva ceiq gyaundeide beixnuengx Bouxcuengh raeuz, gij lizsij de caemh gig gyaenanz. Caeux youq Ciuhhan Diegcuengh gaenq rox daemj man, gij baengzdaemj caencingq ndaej heuhguh "Mancuengh" haenx dwg youq Ciuhsung, daengz Ciuhmingz daemj ndaej engq ndei yawj, gij Mancuengh daemj miz doz duzlungz duzfungh haenx baenz cungj baengzdaemj cienmonz soengq hawj cauzdingz ndeu. Seiz Ciuhmingz Ciuhcingh, Mancuengh cawz soengq hawj cauzdingz le, beksingq caemh ndaej yung h de, lumjbaenz najdenz, najnda daengj. Ginggvaq cien lai bi fazcanj,

seizneix Mancuengh gaenq miz sam daih cungloih, 20 lai aen binjcungj caeuq 50 lai cungj dozanq, aeu gietsaed naihyung h, fap daemj man cinggiuj, dozanq daegbied, raizva gyaundeide okmingz. Mancuengh ndawde, suenq man Cingsih ceiq gyaundeide, ceiq miz minzczu daegsaek, Cingsih Yen "Fap daemj man Bouxcuengh" 2006 nienz ndaej lied haeuj buek daih'it guekgya gaep feihvuzciz vwnzva yizcanj mingzloeg; Cingsih Yen Mancuengh Cangj 2011 nienz gonqlaeng ndaej ndaw gih caeuq guekgya vwnzvabu laeb guh Gvangjsih aen daih'it feihvuzciz vwnzva yizcanj swnghecanjsing baujhu sifan gihdi. Doengh bi neix daeuj, Cingsih Yen gyarengz haifat baengzdaemj Mancuengh, cawz mannajdenz, mannajnda, mandae hbeq le, lij haifat le mandamj, manvenj, mandaiz daengj binjcungj, swncienz caeuq gya'ndei le fap daemj man, canjbinj youq ndaw gih rog gih gai ndaej bieng, gai bae daengz Gangj Au caeuq Sinhgyahboh, Meijgoz, Gyahnazda daengj guekgya caeuq digih, gyoenqg bouxcawx cungj gig haenggyaez.



▲ Youq lajmbanj Cingsih, fizfiz vawiraen man.



▲ Mancuengh gyaundeide raeuh, vwnzraeuz cungj haenggyaez.



▲ Bouxlaux son bouxiq, dinfwngz daihdaih cienz.



▲ Daeuqnaengx bongh mbouj dinez, saeosim daemi Mancuengh.



▲ Ngoenzneix nyaengq geuj mae, ngoenzcog ndaej daemjrok.